

敕修陝西通志

第五
卷十冊

陝西通志第四十三卷

物產一

穀屬

果屬

蔬屬

藥屬

貨屬

神臯陸海材器萬端竹箭檀栢球琳琅玕職貢攸紀今昔殊觀虞衡滋息司市禁奸先資民用次佐縣官異物匪尚徵求詎安騶虞頌瑞取而勿殫施生日進益道乃寬作物產志第二十

穀屬

黍

維秬維秠

詩經大雅

豐年多黍多稌

周頌

秬黑黍也秠一稗二米也

毛傳

秬是黑黍之大名秠是黑黍之中有二米者別名爲秠

孔疏

關中處

處有之爾雅翼曰以大暑而種故謂之黍孟秋熟故庶人薦黍其

秀舒散黍之種有數十大約飯黍酒黍兩品而已酒黍黏飯黍不

黏飯黍惟關中多有之晉人隣關中者種飯黍於其地三年皆黏

不可飯故爾雅翼謂黍爲禾屬而黏者關東人謂飯黍爲稷蓋止

見酒黍未嘗見飯黍也今以黍言之黍有紮蓋黍有罩籬糜有鵠

鵠卵有牛尾串其黑者曰秬曰秠其黏者釀酒關東所謂黃米酒

者是已不黏者炊飯關西所謂黃米飯者是已馬志糜似黍而小有

酒糜飯糜二種穗舒散如衫袖夏種秋熟先穀早成咸陽志糜懼霧

霧遲早糜獲霧早遲糜獲高陵志黍有硬軟丹黑二種延安府志糜為土

產故漢稱隃糜汧陽縣志黍有露仁矮人馬尾黑穀罩粒五種洋縣志黍

亦名糜商州志黍有數種秦中呼酒糜子米可作酒呼酒黃米山陽縣志

黍有紅黃黑白紫灰數色俗謂之糜葭州志○按各志關中所謂

人既誤以黍之不黏者為稷并謂關中謂稷為糜其傳訛

有自來矣合觀郡縣諸志知馬志之辨證者為是故從之

黍稷重稷詩經黍稷茂止周頌先種後熟謂之重後種先熟謂之

黍周禮鄭註邠州綏州勝州貢粟元和志京兆貢紫稗粟唐書地理志稷關中

處處有之初種時在邠今武功縣是爾雅翼曰稷白穀之長也后

稷播百穀獨以稷名其播穀之地亦曰稷山其祀百穀以配社不
曰他而曰稷蓋舉稷黍稷稻粱之屬皆該之也爾雅曰粢稷曲禮
曰稷曰明粢郭璞曰今天下所謂粟米者正稷米也觀此則粢粟
稷正是一物後人不察圖爲舒散之穗則黍穗也又列稷于下品
列粟于中品以一物分爲二物第爲二品又圖爲別物且曰關中
謂之麋麋黍也是謂稷即黍黍即稷矣夫稷之種多于百穀又爲
百穀之長乃可盡廢之耶今東人以酒黍爲黍以飯黍爲稷從其
說是有黍而無稷矣辛而農夫農婦尚多識之今辨其名而著其
實稷有竹葉青有牛尾黃有紫稗禾有棒杵穗有櫟花穀有狼尾
有驢尾稷之黏者曰秫秫有野鷄紅有紅猫蹄有白猫蹄有豬矢
黑有老來變有隔溝拖其類逾百然大率黏不黏兩種而已其黏
者釀酒不黏者炊飯關西所謂粟米小米穀米者是已米脂縣境

沃壤宜粟他郡不及其米浙之汁如脂故以名縣馬志稷粟穀也有

黏粟味極軟美邑人多釀酒作糕咸寧縣志粟種類頗多其佳者名狼

尾又名紫羅帶又有名金聚銀銀聚金者又有名疾穀者晚種早

熟其穗堅硬如鐵故又名鐵軸渭南縣志稷炒熟頗佳俗謂炒米延安府志

稷分丹黃黑白四色軟硬二性硬者方熟捋而炒之舂米味甲天

下粉之可為餠飢軟者釀酒炒熟可為麵安塞縣志粟有椒粟草粟薄

地觀狗尾粟柳眼青猫爪粟棕簞粟西鄉縣志稷有數種號飯黃米山陽

縣志稷俗謂粟穀有梁青白三名黏不黏二種葭州志○按馬志據

說于稷之外不更列粟謂粟即稷也今觀各志所載名色亦俱與

馬說相同蓋馬固關中人其於土物辨之必詳故不但合于古而

且驗于今也今悉從之

稻

十月穫稻詩經漉池北流浸彼稻田小雅京兆貢稻唐書地理志一名

稻有數十種有米粒如霜而有線稜者謂之線稜杭出樊川作飯

粒香軟而長三粒可盈寸其次色青者爲青秈色紅者爲赤花秈

爲赤甲秈其黏者爲糯出御宿川樊川及華州藍田寶鷄鹽州諸

川大率黏者釀酒不黏者炊飯兩種而已馬志字林云糯黏稻也可

釀酒秈稻不黏者又曰稷本草岐稷與稻爲二物非是秈與稷字

爲古今稷與糯黏否異耳三川俱產有線稜者佳咸寧縣志稻產花園

及大嶺川者佳酒河川次之渭南縣志魚河堡多水田出稻延安府志蓋草

黃色白味美粒長安南黏色紅味佳及青榦黏土黃黏銀朱黏黃

瓜早大紅穀小紅穀皆飯稻黃穀糯白穀糯麻穀糯皆酒稻漢中府志

稻有冷水穀百日穀麻黏穀銀朱穀香穀黃秧早金線早黃瓜早

紅米早望水白安南黏青榦黏土黃黏葉裡藏蓋草黃等爲飯稻

百莖糯黃穀糯柳條糯釣魚竿香兒糯虎皮糯寸穀矮腳黃三百

顆麻殼糯等爲酒稻西鄉縣志稻惟下馬澗有蒲城縣志

梁

維糜維芑

詩經大雅

糜赤梁粟也芑白梁粟也

朱子集傳

犬宜梁

周禮天官

犬

宜梁者犬味酸而溫梁米味甘而微寒氣味相成故云犬宜梁

賈疏

漢中一種泉梁粒如粟而皮黑

別錄陶註

黃梁出漢商間穗大毛長穀

米俱粗于白梁而收子少不耐水旱食之香美勝於諸梁人號竹

根黃

唐本草

今河陝間多種白梁而青黃稀有

圖經本草

梁者良也穀之

良者也或云種出梁州故得梁名

本草綱目

關中處處有之穀穗有毛

雀畏刺眼不啄比他穀益胃但性微寒其聲為涼其米青者為青

梁夏日食之清涼其米白者形如芝蔴為白梁亦曰芝蔴梁古白

梁謂之芑赤梁謂之麩黃梁穗大毛長謂之竹根黃今赤梁少青

梁黃梁漢中有之黑梁穗如白梁其苞青而米黑然皆炊飯之米

亦可借以釀酒但非黏物耳

馬志

赤黃二梁甲稗雖有二色而其米

咸陽縣志

梁大穗有毛者米作飯

山陽縣志

小麥

貽我來牟○於皇來牟

詩經周頌

小麥稌

爾雅

京兆貢麥豐州九原

郡貢白麥

唐書地理志

小麥秋種夏熟南北皆有之出關中者爲上品

本草拾遺

出關中味甘微寒

圖經本草

赤小麥赤而肥稀熟出鄭縣

廣雅志

翼曰麥者接絕續乏之穀最先熟又曰小麥生於堯二百四十日

秀秀後六十日成蓋秋種冬長春秀夏實具四時之氣自然兼有

寒溫熱冷故小麥微寒以爲麴則溫麴熱而麴冷其地煖處亦可

春種至夏便收然比秋種者四氣不足故有毒今按關中有黑芒

麥有無芒者爲和尚麥色白者爲白麥色紫者爲紫麥紫麥麴多

有色白而粒甚肥大者爲御麥可爲餅及蒸食早熟者爲三月黃

皆小麥也

馬志

麥生畢原者上品

咸陽縣志

出渭河北者粒小食之易化

河以南者粒差大而色不光鮮然一種名三月黃者細膩潔白河

北弗如也

渭南縣志

小麥後種者曰穢穀其六十日成者曰疾穀

高陵縣志

有粒大無芒者謂之山麥

維南縣志

大麥

大麥麴

爾雅

京兆貢麴

唐書地理志

大麥出關中味鹹溫微寒爲五

穀長

唐本草

今隨處有之以秦川爲佳亦有數種有早熟者三月輒

可食穗有六稜者爲六稜麥有紅皮者爲酒麥爾雅翼曰麴者周

后稷所受瑞麥來牟也一作牟即今之大麥蓋生於杏二百日而

秀秀後五十日而成宜爲飯又可爲醋其蘖可爲餲馬志大麥種在

小麥之後後十日者爲植後一月者爲穢高陵縣志大麥皮粗粒大煮

食之佳

渭南縣志

青稞麥 青稞似大麥天生皮肉相離秦隴種之

本草拾遺關中一種青

稞粒微小色微青

陳承別說

青稞有大小二種似大小麥而粒大皮薄

多麴無麴西人種之

王禎農書

青稞麥出安定形似小麥久服黑髮馬志

麥有露仁者爲青稞可釀酒

咸陽縣志

有黑白二種較麥先熟

洋縣志

和麥 有二種一種類小麥而大一種類大麥而大本圖經出延長

味甘微寒以服力健馬志大麥穰似大麥粒少肥小麥穰似小麥粒

亦肥俗呼裕麥山陽縣志

蕎麥 一名苽麥一名烏麥立秋前後下種密種則實多稀則少八

九月熟性最畏霜廣羣芳譜中伏種者最上立秋後種者次之其飯法

可蒸使氣餹于烈日中暴令口開春取作飯咸陽縣志蕎麥作麪不甚

佳可脩諸穀之不熟渭南縣志甜苦二種延安府志種分大小二形三伏時

種日周甲子收花甚芬為粥去稃造餅類紙安塞縣志苦蕎似甜蕎無

稜夏熟味苦宜山地甜蕎麪白味甘山陽縣志

燕麥 禹錫作遊元都觀詩且言始謫十年還京師道士植莢其盛

若霞又十四年過之無復一存唯燕麥動搖春風耳唐書劉禹錫傳一名

雀麥苗葉似小麥而弱實似穰麥而細唐本草燕麥與江淮同榆人

多種之九月收其實細如小麥不甚有桴炒食佳延綏鎮志有老燕麥

小燕麥二種小燕麥生山坡商州志燕麥粒細長似菰米宜山地不

宜肥山陽縣志

蜀黍 一名蜀秫 一名高粱莖粗高丈餘狀似蘆荻而內實葉亦似

蘆穗大如帚粒大如椒紅黑色米性堅實黃赤色有粘不粘二種

本草綱目 一名稻黍亦有酒飯二種商州志 一名蘆稔山陽縣志

玉蜀黍 幹葉類蜀黍而肥矮亦似薏苡苗高三四尺六七月開花

成穗如秕麥狀苗心別出一苞如欖魚形苞上出白鬚如紅絨久

則苞拆子出粒如芡實大而瑩白廣羣芳譜 玉蜀秫 一名番麥 一名玉

米有白紫藍之不同色山陽縣志

沙米 登相即沙米榆林鎮出馬志沙米苗莖如麻葉類艾而稍圓有

刺高尺許生子成房粒細如黍杵去皮用羊羹作食味甘滑利大

腸服之不肌邊外名黍喇棘譚吉璉曰彼榆人斯不耕不鑿地不

愛寶求民之瘼秀發沙中瑞同旅穀延綏鎮志○按黃州米脂志俱有之

茵米 神木縣生味甘寒爾雅云似燕麥可食一名守氣馬志

莢稗 莢苗似稗而穗如粟有紫毛即烏禾爾雅謂之莢本草綱目稗有

水稗旱稗水稗生田中旱稗苗葉似稗子色深綠結子如黍粒茶

褐色廣羣芳譜商州有之商州志

大豆 七月亨葵及菽詩經菽之荏菽雅大豆菽也廣雅有黑白黃褐

青斑數色黑者名烏豆可入藥本草綱目關中處處有之大豆以二月

中旬種者為上馬志菽五色各出形味不一黃白青黑者皆可為腐

咸寧縣志黑豆有大小二種大者早種小者晚種同時熟煮食之良渭南

縣志菽之大者為京豆黃豆多而且佳雒南縣志豆有黑青紫數種均名

黃豆可作腐可取油山陽縣志

赤小豆

宗奭曰關西多食之枝葉似豇豆葉微圓峭而小秋開花

似小豆花而小淡銀褐色筴比綠豆筴稍大皮色微白帶紅三青

二黃時取收之

本草綱目

綠豆

圓小者佳大者名植豆

開寶本草

綠豆性涼煮飯益氣除熱亦可

作粉

渭南縣志

綠豆亦有數種

山陽縣志

豌豆

邠州開元貢華豆

元和志

京兆府先奏當管臣食豌豆請據數

折納大豆

唐陸贄狀

邠州靖難軍貢華豆

宋史地理志

豌豆一名華豆一名

胡豆農書云俗呼豌豆大者爲淮豆

廣羣芳譜

關中有胡豆有豌豆有

淮豆

馬志

豌豆或粒煮或和煮米粥又可爲粉諸畜賴之茁壯

渭南縣志

豌豆有青白二種陝西多種以啖馬

山陽縣志

蠶豆

方莖中空葉狀如匙頭二月開花如蛾狀結角連綴似蠶形

本草

關中有蠶豆

馬志

豇豆 其花有紅白二色莢有紅白紫赤斑駁數色長者至二尺生

必兩兩並垂子微曲如人腎形廣羣芳譜關中有之馬志

菼豆 一名沿籬豆一名蛾眉豆花有紫白二色莢形或長或圓或

如龍爪虎爪子有黑白赤斑四色廣羣芳譜延長出能解酒毒馬志扁豆

可雜炊米麥渭南縣志板豆亦名扁豆又名雞蠹豆花紅白二種白者

佳山陽縣志

脂麻 胡麻即脂麻有遲早二種黑白赤三色莖皆方秋開白花亦

有帶紫艷者有四稜六稜七稜八稜者皆隨土地肥瘠而然本草綱目

三月種九月熟味甘寒可榨為油咸陽縣志各邑俱有延安府志脂麻即油

麻可作油有三色亦名胡麻亦名巨勝入藥用黑色山陽縣志脂麻有

黑白紅三種蒲城縣志有二種白色者味香紫色者味苦葭州志

亞麻 一名鴟麻一名壁虱胡麻苗葉俱青花白色陝西人亦種之

其實亦可榨油然燈氣惡不堪食

廣羣芳譜

麻子 九月叔苴

詩經

苴麻子也

毛傳

喪服注云苴麻之有實者然則

叔苴謂拾取麻實以供食也

孔疏

一名漢麻以別胡麻也

本草綱目

出南

北山及鳳翔諸處爾雅翼曰麻實可以養人其利最廣然麻之屬

總名麻別而言之則有實者別名苴而無實者別名枲

馬志

麻子可

取油

山陽縣志

薏苡仁 二三月生葉如初生芭茅五六月抽莖開花結實有二種

一種粘牙者尖而殼薄即薏苡也其米白色如糯米一種圓而殼

厚堅硬者即菩提子其米少即粳穢也但可穿作念經數珠故人

呼爲念珠云

本草綱目

處處有之今都用梁漢者春生苗莖高三四尺

葉如黍葉開紅白花作穗結寔形如珠子

廣羣芳譜

鎮安縣亦有之

馬志

石川穀一名贛珠子米名薏仁惟罩川接鄖壤處有

之不多山陽縣志

果屬

梅

標有梅

詩經召南

饋食之籩其實乾蓀

周禮天官

乾蓀梅也

鄭註

上林苑梅

七朱梅紫葉梅紫萼梅同心梅麗枝梅燕梅猴梅

西京雜記

梅實生漢

中山谷

名醫別錄

今漢川皆有之

圖經本草

李白遊慈恩寺僧獻綠英梅

纂要

山陽縣天臺山盛產梅每遇花開山如綴玉

西京府志

梅有硃砂梅錢

梅照水梅玉蝶梅星梅

南鄭縣志

梅清韻與南方同植之者殊少邑人

尤賤其子熟則落林下委棄弗取

沔縣志

杏

上林苑有蓬萊杏又有文杏謂其樹有文彩也

西京雜記

武功山有

二杏樹各大丈餘東花西實至明年易向

述異記

金杏大如梨黃如

橘武帝上林苑遺種也一名漢帝杏

杏譜

巴旦杏一名八擔杏關西

諸處皆有鮮者尤脆美

廣羣芳譜

花千葉者曰文杏美肉甘核又曰巴

旦杏又有梅杏似李而大

咸寧縣志

有三妙杏花千葉實大子甜

商州志

苑桃之夭夭灼灼其華○有贊其實

詩經周南

上林苑有秦桃細核桃

欖桃金城苑綺葉苑紫霜桃文苑

西京雜記

明皇禁苑中有千葉桃盛

開帝曰不獨萱草忘憂此花亦能銷恨

開元天寶遺事

苑陝西者尤大而

美

圖經本草

有甘核者名巴旦桃又有扁苑李光桃味佳花有千葉者

曰碧苑絳桃緋桃唯山桃花開最早

咸寧縣志

桃出張村里者佳

三原縣志

李華如苑李

詩經召南

北山有李

小雅

上林苑有紫李綠李朱李黃李青

綺李青房李同心李含枝李金枝李顏淵李羗李燕李蠻李侯李

西京雜記

杜陵有金李李大者謂之夏李尤小者謂之鼠李

述異記

終南

山出好李花貴侯富民以千金買種有致富者

耕桑偶記

貞觀中玉華

宮李樹連理隔澗合枝

類書輯要

鼠李關陝甚多

本草衍義

鳳翔府產胡李

李有赤黃二種

咸寧縣志

李有赤青綠黃數色

咸陽縣志

李稱御黃者